



經心書院集

1615
4



16
1.615
4



擬韓昌黎感春四首

三月分齋課
超等第一名 陳培庚

我所思兮在遠方年華老大同悲傷平生少艾自約結雲
龍左右扶明堂青春如擲去幾許十年贏得鬚眉蒼東風
著物變妍惡媽紅姹紫生容光我今憔悴竟誰語頽然且
覆青椒觴

洛陽三月桃李新名都妓女留行人痛擲黃金買歌舞青
絲寶絡凝香塵我來江陵積時日陰氣晦昧淹芳春惜哉
江頭良宴會空齋繭足甯堪嘖願招豐隆命屏翳下作人
間蹄與輪鸞翔鳳翥效驂駕敖遊八極全吾真何爲浮空
蔽白日使我欲出常逡巡

朝就一隅食暮就一隅臥文書兀相撐清詩聊自課鰥鰥

懶詣人時復貪客過誰為平生親應是陳驚坐

山農父世居崔嵬衣食自給無嫌猜竹煙花雨恣調笑白
雲勸酒青山隈吾生落拓悔遊學窮年負累趨塵埃一身
束縛不得出未知林卉誰當開庭前惡木眾鳥棄三春希
睹黃鶯來惟餘官事坐自累遮渠差似輿與臺良朋過絕
妻子遠一樽獨酌誰相陪花時寂寞尙如此秋風蕭索甯
勝哀

擬韓昌黎感春四首

三月分齋課超等第十四名 陳之茂

按昌黎集感春詩凡三見前四首作於江陵後五首作
於東都又後三首作於長安四詩為憲宗元和元年掾
江陵時作初德宗貞元十九年公以監察御史上天旱

人飢疏貶陽山令及順宗永貞元年自陽山徙掾江陵
詩作於次年春年甫四十而云髮禿齒墮參之進學解
公蓋早衰也陶詩云日月擲人去有志不獲騁公同此
感篇中藉看花飲酒反覆致意忠愛之情千載下猶可
想見云

我所思兮我亦何所思長安不見兮我心悲于江萬山遠
相望留滯江陵歸不歸春光一夕度萬里紅英燦燦珊瑚
枝人生失意苦多感况復搖落春風吹
宛宛春風舊相識長安看花記疇昔從軍入幕旋登朝簪
筆彤廷作司直雲間鍛翮神鸞孤投荒遠甚賈生謫陽山
去歲移荆蠻險阻千端一身歷青袍白髮埃塵趨幸免極

楚傷摧抑一床暝臥空齋寒故人不來春寂寂幸有天意
憐幽棲特放花光照四壁京國舊遊詎可忘獨對春叢感
春色春風萬物生有花不厭貧有酒能醉人看花復飲酒趁茲豔陽晨東風
何事獨無賴紅雨紛紛吹作塵不堪對明鏡那得留青春
我年四十遽如許髮禿齒墮嗟沈淪胡不歸田歸去來
胡不歸田歸去來受鞿俯首如駑駘我材有用既生我未
必泥淖終沈埋已見陽澤潤枯朽復聞聖律吹然灰一出
皇都近十載瞻雲嶺表空徘徊汴州倡亂竝淮蔡嘯聚尤
多狼與豺萬方多難難未已請纓磨盾需吾儕顛倒窮愁
死不惜平生懷抱安在哉嗣皇堯舜新御極巍巍丹闕雲

中開白日光輝照草木陰崖破凍陽春回巖花勸我無事
且長飲一日傾盡花前三百杯三月分齋課超

擬韓昌黎感春四首

等第十五名李文熙

拔劍倚柱忽長歎我生何爲兮遭多難波濤汨瀆山峻嶒
安得盧敖兮游汗漫江南三月天氣新草長鶯飛雜花亂
金尊斗酒且盡歡世事浮雲何足禱春風吹綠柳
春日之日樂未央奔走太睥驅句芒蒼龍狡獪弄晴雨斗
覺大塊輝文章花鬚柳眼各明媚繚亂游絲十丈長危冠
終日對書史時有感喟來中腸徑須典裘沽美酒臨風爛
醉三千場大兒小兒俱已矣晴川萋草空芬芳嗟哉宣尼
倘可作自應提瑟升高堂稽生幽憤阮生哭可憐若輩焉

能狂

志士尚不羈達人貴知化朝騎瘦馬行暮促羸車駕狂歌
 妻孥笑散髮僕隸罵平生磊落胸茲言胡可詫
 男兒不封萬戶侯便當射虎南山頭不然躬耕向隴畝赤
 腳倒騎烏犍牛烹羊置酒日為樂衣食粗足吾何憂無端
 下帷習經史鋌鑿肝腎苦不休蟲魚篆刻竟何用咄哉壯
 夫良足羞足跡狂走半天下刺字漉滅誰可投不如頽然
 便就醉此中即是逍遙游攜瓶挈榼買春去吾其老矣惟

糟邱

擬韓昌黎感春四首

三月分齋課特等第十三名 夏良材

眇綿綿兮我所思側身四顧將何之江陵去國幾千里掾

曹久處庸嗟卑春風一夜度江滸谿壑遠近回春姿酌酒
 花下不能飲我心憂傷知為誰

致身青雲苦不早我今四十髮已皓長安看花曾幾時流
 落乃在江陵道江花紅萼芬菲菲笑我衰容獨枯槁昔者
 屈原傷離憂日暮汀洲采芳草賈生痛哭亦何為生逢盛
 帝京世年未老元和天子今紀元恩光遠被八荒表丹鳳城闕
 春雲深獨立江天望蒼昊

蒼昊不可攀江上幾時還京華遠復遠荆門山又山蹠躓
 風塵內漂泊江湖間江湖苦憔悴素髮彫朱顏
 疾霆破山風捲河誰哉憤起揮天戈橫海長鯨為君截歸
 來散髮嬉春波天遙路遠阻霄漢懷此鬱鬱當奈何十年

勤學讀書史識字庸知憂患多一官冷曹隨俯仰不如綠
野披煙蕤梅花欲落春已晚去我堂堂義與娥那可閒居
便愁絕取醉還傾金叵羅

謁曾文正公祠

五言排律十二韻

五月分齋課
超等第二名陳曾望

回首兒時事家居在

帝京一官依祖父命我拜先生曾識鬚眉古翻嗟歲月更神歸
衡嶽表德被鄂王城漢水旌旗影江濤鼓角聲山川皆手
澤孺婦盡知名偶爾披遺疏依然見至誠奇功非管樂吾
學本朱程天特衰元老人咸詠太平祠堂今日像俎豆故
鄉情海國方多事
朝廷重息兵絳侯猶有子勲業總能成

謁曾文正公祠

五言排律四十一韻

五月分齋課
超等第四名朱筠聲

一代通侯爵千秋相國祠勳名垂史策膏澤被蒼黎憶昔
鯨鯢亂曾興鵝鸛師軍符雖火急蔓草已潛滋寇盜紛無
數東南漸不支衝鋒良將失饋饗計臣疲烽火多驚竄流
離孰撫綏冲霄迷翳障寓目盡瘡痍

天子神明鑒先生龍鳳姿未懸都統印且建五牙旗權稅供征
調材官聽指麾揚帆開戰艦列騎出長圍制勝惟知慎成
功不好奇騶集吳會壘扼要楚江湄半壁勞撐拒

中朝仗保釐

天心銷禁宇寶劍挺神芝百戰梟狐獍三軍集虎貔江淮歸枕
席齊蔡等芟夷將士沅湘盛勳名李郭追志堪扶

社稷才豈僅臯夔況有謙冲度從無鄙吝私賓僚羅雋彥幕府艷
珠綦集議虛能納容非口不訾求賢常若渴說士竟如飴
遂爾人才盛都為柱石資大材經琢斲美玉賴磨治師怡
還陶侃金宜鑄范蠡十年事戎馬數載直

綸扉遽料騎駭返頓添
朝野悲

詔書頻惋惜

祭葬極威儀祠廟連吳楚馨香答歲時
君恩深似海逝者已如斯
曠典褒忠蓋殊榮感
聖慈羣工悉砥礪億兆共嘘唏望古難為匹于今更數誰元戎

勤奏績仲氏善吹篪學大經綸裕功高嶽麓卑每傷公去
速轉恨我生遲再拜瞻遺像千回獻酒卮願憑靈爽赫長
為奠西陲

謁曾文正公祠

五言排律十二韻

五月分齋課 超等第七名 陳之茂

一代風雲會千秋俎豆光湖山環鄂渚伏臘祀湘鄉如此
人才少惟公將略長讀書增學問仗鉞筦封疆羽扇綸巾
度金戈鐵馬場孤軍屯勁旅百戰縛名王清儉衣猶布勤
勞鬢已霜功勳高潞國福澤讓汾陽地近神仙府祠成宰
相堂森森留柏蔭馥馥薦蘋香麟閣人誰畫鯨波海又揚
弓刀靈爽在下拜意徬徨

謁曾文正公祠

五言排律十二韻

五月分齋課 超等第八名 朱希文

書劍滯三楚蝸蠻愁四方安危思將相感慨拜祠堂登第
 文章貴出師旗鼓張地都還版籍星早掃欃槍萬里山河
 壯千秋俎豆香勳名班定遠壽考郭汾陽楚北英靈在江
 南治績彰中原無戰伐宿將有凋傷事往風雲會時清日
 月光腐儒空涕泣名德舊烝嘗花木春光麗園亭夏日長
 采蘋還自薦煙水望瀟湘

謁曾文正公祠

五言排律十二韻

五月分齋課

超等第十名

黃鵠磯頭望巍祠鎮武昌傾忱殷拜謁稽首肅趨階人震
 勳名盛吾欽著述藏沅湘鍾間氣衡嶽發奇光身自詞垣
 出兵先義旅侶止戈平粵逆戰艦固江防鈞秉三
 麾十省忙性功傳閩洛詩事軼蘇黃鄂渚忠魂護希文美

謚彰籌邊心未竟遺疏志堪傷吟撫祠堂柏陰留故國棠
 精誠應鑒格聊為進椒觴

擬杜工部諸將五首

六月分齋課

超等第二名

天山八月草芊芊胡騎憑陵遠盜邊早日金繒輸熱海祇
 今烽火照甘泉大論馬上長陵瓦台吉車中內府錢旌旆
 太原遺烈在何年校尉更屯田

受降城闕聳青霄誰使三邊擅動搖宮側飽嘶回紇馬樓
 頭醉解羯胡貂潼關秋老防兵減渭水塵昏虜氣驕盡掃
 腥羶殲蜚介至今空憶霍嫫姚

兩京村落半邱墟瑣尾流離失故居安得父兄如僕射惟
 聞子弟怨哥舒雄藩尙自輕王化轉運何緣裕國儲賴有

九重寬大詔不教搜括到邊廬

越裳消息近何如橫海猶聞阻捷書豈為炎洲求翡翠記

曾春殿賜金魚侍中已建監軍節司馬新乘使者車交趾

日南唐郡縣冥冥氛祲望全除

松保傳聞陷虜庭當年僕射駐箛篁軍符惕息行諸部埃

火平安報驛亭佛國旃檀都入貢劍門風雨疾書銘益州

天險休輕失好向中垣策將星

擬杜工部諸將五首

集唐人句

六月分齋課

超等第六名

劉景琳

牧馬攢花溢萬羣

盧綸從叔

煙郊四望夕陽曛

陳上美

空聞虎旅傳宵柝

李商隱

但見龍城起暮雲

王涯塞

大欲欺姜伯約

韓翃送

功成惟有李將軍

秋深雪

滿黃金塞

潘咸主

錦字迴文一贈君

駱賓王豔情代

韓公創築受降城

白居易

曉角初吹客夢驚

賈島上邠

海珠韻乘月讀

殷文圭和友送衛

雕鞍玉勒照花明

羅邛

行五年空帶風塵色

劉長卿賊平後

四面唯聞刁斗聲

武源行贈

自顧勤勞甘百戰

曹唐送嚴大

那堪歲晏又無

成

彎弓征戰作男兒

杜牧題

難入關風七月詩

張立詠蜀都

早是有家歸未得

無名氏

誰憐登隴不勝悲

劉希夷

雉堞千師壘

李紳憶萬歲

雪臥龍庭猛將碑

司空圖南

道玉關烽火滅

鮑溶寄

蒸藜炊黍餉東菑

王維積雨

陰雲萬里晝漫漫

戎昱早

斷續風中鼓角殘

高廟閑眺列

國山河分雁序

陳陶賀容府韋中丞賢兄除黔南經略

六州蕃落從戎鞍

送靈州

秦川楚塞煙波隔

劉滄春日旅遊

銅柱朱崖道路難

田尚書

此去加餐須努力

白居易送敏中歸幽甯幕

穰苴門戶慣登壇

薛逢送田尚書

長戟如霜大旆紅

司空曙送人歸黔府

連年出塞蹋沙蓬

唐紀夫多

才自有雲霄望

錢起送裴侍御使蜀

飛檄曾傳朔漠空

厲元送黃明府岳州赴任

壯志未酬三尺劍

李蘋春日思歸

征途仍借九花驄

徐寅送王校書往清源

光芒六合無泥滓

本集荆南兵馬使太常卿趙公大食刀歌

頃刻麟臺第一功

李九齡代邊將

苦熱行

七古用昌黎山石韻

七月分齋課超等第一名

王家鳳

祝融權重顛頊微清露罷滴赤雲飛毒氛旦夕時發作漫

空障蔽煙霏霏大厦深簷不避日影度簾隙窺雙扉昨夜

箕伯奮神勇戰敗歸穴如絆韃熱客從來喜附勢顧此炎

威趨亦稀侏儒癯瘦且畏苦慢膚壅腫愁腰肥烹茗縱飲

不償汗飽食蒸胃豈如飢槐清竹潤皆謔語偃仰松身空

十圍羽扇手揮無停指輕颺那足侵羅衣會當飛騰跨北

猶假招涼玉長不歸

苦熱行

七古用昌黎山石韻

七月分齋課超等第三名

黃觀恩

赤龍蜿蜒天際飛赤日照壁成珠圍炎帝動爐鑄九鼎雨

師風伯扇巖扉火雲流汁百物沸嗟我蟻蝨生已微頭焦

背汗不足道可憐久旱禾苗稀上田龜坼下田涸雖有嘉

種無由肥邇來河患徧陳鄭中原千里常苦飢山川滌滌

復此厄挺走肯受勒與鞿茅齋十日愁不寐朝朝熾炭薰
龍衣故園田畝已蕪沒遠謀菽水庸敢歸且攜詩卷出門
去城隅漠漠湖煙霏

擬左太冲招隱詩二首

八月分齋課
超等第三名 石 超

彼姝者誰子乃在山之陲重巖結茅廬巨石爲門楣麋鹿
相與友不求達者知疏峯入庭軒白雲與心期沈沈萬籟
寂流泉通妙思日暮劇黃精持歸足療飢我欲從之遊高
舉躡涼颿彈琴答遙響談笑足忘疲

昔年居匡廬五老共晨夕鬱鬱山上松葱葱湖底柏挺秀
任巖霜託根在磐石榮華不關心巖穴豈爲宅奄苒忽三
秋頓與清谿隔思欲從曩人惆悵空杖策聖人順時中豈

在尋逸迹巢由不再出委蛇從所適

擬左太冲招隱詩二首

八月分齋課
超等第六名 陳培庚

昊天閔靈隲冥霧纏秋空前途念修阻欲出迷西東故人
山中信爲我陳華嵩飛雲結華宇皎月開瓊宮巖花閨寒
暑竹柏長青葱陽崖賓出日旭采何瞳矇流眄丹霞間玉
女顏微紅安期及羨門拂袖揚清風君今墮塵窟何不乘
長虹矯首青雲外徑路天門通

躡足嵩華間夷然睹清曠蠻觸謝戰爭煙雲相揖讓中阿
十畝田耕種足可養耒耜及春興葵笏時相餉甘雨澤靈
壇豐年拜嘉祝事畜有餘糧浩歌聊自放頗謂沮溺賢窟
笑接輿妄何爲學孔老風塵徒悵悵

擬左太沖詩招隱二首

八月份齋課超等第十一名

王家鳳

良朋遊京路舉足登天間出入張華蓋意氣何揚揚故人
隔千里林壑耽翱翔朝采首山蕨夕釣澗溪魴野性狎麋
鹿晦迹託耕桑俯仰得所歡陶然塵慮忘王侯多菹醢圭
爵伏禍殃願言從吾好脫屣歸故鄉

南山入嵯峨萬古烟霞封中有岩栖子結廬倚青松撫軫
寫飛泉采藥躋高峰乘興一長嘯嗇然驚潛龍好鳥相酬
答和聲鳴啾囁羣芳供寂賞蘭蕙彙丰茸境幽絕塵跡心
逸愜素悰焉能棄林壑入世求遭逢

擬左太沖招隱詩二首

八月份齋課超等第十四名

陳嗣賢

東皋零雨滋攜鋤自耘植惠然來好風雲霽見朝日秋菊

色更佳蘼蕪初結實澹此景物情澄懷倍清逸稚子挈樽
至俛仰聊自適三益胡不來開窗坐虛室

鳳凰潔毛羽自寵賀世姿一食必竹實一棲必桐枝千仞
得所翔德輝方下之苟不慎躊躇倏化安可知腐鼠彼謂
甘莫受鴟鳥欺枋榆彼謂樂莫逐鸞鳩飛

擬左太沖招隱詩二首

八月份齋課超等第十五名

姚汝說

平生少壯日結想嶽奇入幽蘭不見采芳情發孤根零落
長安道空谷寥以芬馨香滿懷抱何用恆苦辛解顏謝軒
冕達人識其真茅茨欣有託種樹已成村娟娟庭前竹榮
榮窗下茵悠然松石間貞白相與敦

古木亦有陰流泉亦成趣有客過園林依回不能去見之

思悄然言君還且住萬籟涵孤襟當風送餘慕朝采南山
芝夕憩西池樹漱石枕寒溪鳴禽下春霧念彼塵海中安
能知其故持此寄知己相要樂吾素

擬左太冲招隱詩二首

八月份齋課特
等第十四名

萬 榮

蘿月隱磐石兀坐橫瑤琴賞心招隱士窅然太古音飛聲
過雲雁餘響答山岑白雲懸河漢良夜清沈沈微颺發庭
柯涼露沾衣襟楚客愛幽蘭生意滿寒林悽悽秋士懷默
默靜者心嘯歌呼成連移情亦何深

薄宦不如隱遠行不如歸巖穴色葱蒨林屋開荆扉竹柏
棲殘露野水通斜暉蕭然田畝下未覺生事微首陽有賢
人高歌吟采薇雖無儋石儲餐菊忘朝饑達哉張季鷹解

戀蓴鱸肥秋風颯然來飄飄吹我衣

擬陶淵明讀山海經詩一首

九月份齋課
超等第二名

陳培庚

達士謝塵慮田家多宴眠長羸雖見困形暇神自全秧畦
足新水吐穎青盈阡秀實未可億敢即希豐年夷然釋耒
坐俯仰惟陳編洞瞭周王傳樂觀山海篇儻何日色暝乳
燕隨風還中庭照明月浩浩真吾天斗酒自娛樂一醉方

陶然

擬陶淵明讀山海經詩一首

九月份齋課
超等第五名

姚 虞

軒轅民多壽天亦及彭篋吾生若且暮百憂况熬煎何如
但飲酒塵慮謝纏牽醉臥北窗下醒復觀簡篇緬懷蓬萊
島遐想崑崙巔出入駉鸞鳳遊遊偕上仙飢餐甘華實渴

斟温谷泉庶以駐顏色常此保齡年

苦寒

效昌黎即次其韻

十一月分齊課
超等第一名

陳培庚

二氣苟不敵常爲彊者兼孱弱自沮退信讓非真廉伏陰
幾何徒未用惟柔謙神柄竊顛頊淬厲青雲尖凶心利物
死食肉專肥甜山中荃芷莖一一加裁砭蟠腹瀉淫霧蒙
翳纏烏蟾常儀持結璘不得穹廬覘奇寒切肌骨朝噉甯
復炎簷端雪片落襟上冰花沾撥水漬跟肘詰曲如鉤鎌
賁育膚忽撓枚馬毫愁拈平生雄萬夫宿頸同遭箝蜚廉
助惡稔號令傳雲籤方良及女魃六甲神丁添揚威發屋
瓦片片飛縞繚牆頽木盡拔蟄隱驚幽潛覆巢鳥墮鵠攬
窟龍凋髯元化適不存未卽卿曹織敝袍自矯厲吾生已

微纖削章奏上帝奈此蓬蒿淹坐視蹶迹羣凍斃供無燭
豈無麟與風治亂常所占畏避不汝省似持朋黨嫌寥寥
天宇闊蓋覆無爲苦悲憤塞匈肌寢食難安口便趣訪戴
駕欲出徑已漸太乙憫負獨然藜下顧瞻謂言數所極調
變窮梅鹽變盡當自反有時誅壬儉東皇御殿坐玉女牽
珠簾青旂易元幟寶珞垂堂簷一綫生機存凍破膏仍黏
動族徧牛螭植物聯蘭蕙欣欣向榮意谷蔽天王檐吾非
紇于雀何爲號無厭

苦寒效昌黎次原韻

對田

十一月分齊課
超等第三名

李心地

閭闔森凌兢煥鬱非所兼霜雪沍重深義御阻堂廉赤燿
不敢怒霽顏鳴謙蟄蟲首其穴槎枒摧勾尖顛頊喜梢

殺林莽闇黑甜執坎以司罰萬物齊針砭日窟僵金烏月
竈踏玉蟾零埃寒中宸俯仰失闕覘羣妖邁治夷百靈戒
附炎而我守厥素又復困塗雷泝澣悟兵法摩娑腰下鎌
飛甕大如掌駮瘵不得拈曖曖目喪精齟齬含箝籠爐
謝百事几案塵軸籤凍瓶知未滅海水知已添屬橐非云
温矧乃無餘嫌炎駒既逃匿水犀亦遯潛鶉火折赤翼天
龍墮蒼髯黑后不快意馮生難盡殲老驥伏羸龍蜩縮毛
纖纖伸頸以長嘶所冀宣滯淹幸入鱗獸爨揚燭親蒸燂
因之叩汾凌維魚兆其占賜火蘇民命龍忌無所嫌余心
沸勺灤枕寢編菅苦擎涕長淒歔誓志養與口松燧孽謬
謾燃石敲漸漸垠漢開瞻靄六龍下顧瞻譬彼拭金錦洗

濯賴魚鹽胚渾抉抉軋鬱菴黜昏儉綿區轉眴昕虹霓翼
幙簾搏桑挂銅鉦朱雀鳴前簷圓象鑿初爍方儀膏且黏
蘭芷競和惠何況贖葭兼丹林赫扈翠榆曳簷檐天平
睠吾忱禍亂故所厭

擬宋玉釣賦
 楚人有能以弱竿纖餌出三尺之魚於數仞之淵者宋玉
 與唐勒往問之曰夫子之釣也八尺之竿十尺之綸鉤若
 芒刺餌若輕塵而以出魴鯉於積素之波意者亦有術乎
 楚人曰吾何術乎始吾之釣也手足浮動志意躁急大鯰
 小鯰期在必得竿乍掄而更揚漚甫動而遽掣如是而竿
 折綸絕者屢矣已而黜聰明返視聽愧焉儻焉不為利動
 委蛇容與唯水所適用心至一而不以預期蓋吾意中未
 嘗有魚而亦無非魚也夫是以獲之而何術之有宋玉曰
 是可學乎楚人曰是不足學也吾聞之師曰愚者釣釣知
 者釣民二子為國近臣將進王以釣民之道而奚自惰於

擬宋玉釣賦 東坡先生 二月分齋課 超等第一名 陳培庚

楚人有能以弱竿纖餌出三尺之魚於數仞之淵者宋玉
 與唐勒往問之曰夫子之釣也八尺之竿十尺之綸鉤若
 芒刺餌若輕塵而以出魴鯉於積素之波意者亦有術乎
 楚人曰吾何術乎始吾之釣也手足浮動志意躁急大鯰
 小鯰期在必得竿乍掄而更揚漚甫動而遽掣如是而竿
 折綸絕者屢矣已而黜聰明返視聽愧焉儻焉不為利動
 委蛇容與唯水所適用心至一而不以預期蓋吾意中未
 嘗有魚而亦無非魚也夫是以獲之而何術之有宋玉曰
 是可學乎楚人曰是不足學也吾聞之師曰愚者釣釣知
 者釣民二子為國近臣將進王以釣民之道而奚自惰於

水濱之役夫乎宋玉曰釣民若何亦可得而聞乎楚人曰
可昔者堯舜以從欲治湯武以順人興故禹皋伊且者彊
竿也仁義道德者勅綸也兵刑政事者均鉤也爵祿施設
者芳餌也四者咸具猶不遽取乃復俯察好惡洞燭幽微
和以禮樂須以歲時揖讓之成可謂紓矣觀天心之順逆
覘眾志之從違諸侯勸進而未許遠人日至而猶疑征伐
之行可謂需矣今吾觀諸侯之於民也若薙氏之除草其
爭國也若宋獵者之捕鹿是吾昔者所以竿折綸絕者也
何怪天下之不投吾網乎若從吾言而忍之黜威廢力養
晦待時及其解弛也出洪竿攄修綸致鯨鯢於高池故之
以祀聖王之廟東取臨淄北連三晉西收巴蜀九澤四瀆

將爲吾有其爲釣術也不亦大乎宋玉曰善於是與唐勒
言之頃襄王王使迎之則煙波浩渺而釣者終不復見

望釣於茲泉文王勞而問焉呂望曰魚求於餌乃牽其緝
人食於祿乃服於君故小釣釣川中釣釣國以餌取魚魚
可殺以祿食人人可竭由是觀之鰕鮒之快口腹不若髦
雋之爲羽翼也王若以高爵爲絲厚糈爲蟻虛心爲竹誠
信爲鍼迎澗阿之偶引林泉之叟爲弼爲丞如賓如友是
能以非釣釣也彼江漢之英沅澧之傑孰非大王之所獲
乎故曰無餌之釣不可集修鱗無禮之遇不可得賢臣王
苟操末而忘本勤小而忽大雖擅詹何任公之能奚以致
明良之交泰哉且臣聞穆天子遊於珠澤漁於流水霜絲
爲繩餌以丹鯉倚姑蘇之神木起潛虬於河涘般樂怠荒
萬機失理鎬洛之業衰焉厲幽之患萌矣以視翹翹後車

尙父斯聘寶玉鈴之秘文開興王之景運者其得失可以
鑒也襄王曰善乃賜玉雲夢之田以旌其言

擬宋玉釣魚賦 有序

擬宋玉釣魚賦 有序

二月分齋課 陳曾望 超等第五名

若夫大人所事君子之懷魚其萬姓沼其八埭此得志於時者之所為也是亦有命矣余家浣川門臨大湖時有釣徒相與為樂名利既淡寤寐清醒一絲一竿頗得佳趣偶讀宋玉釣魚賦聊復擬之各述所遭無嫌異旨賦曰

公子歸來兮上都白雲浩浩兮如我無求望美人兮何處託一藝兮奚憂舍南舍北兮皆春水忘富貴兮從我遊老屋兮數閒幽僻兮避世朝把卷兮窗明夕舉杯兮月露兒蓬頭兮逐鳥婦椎髻兮呼鏡聞漁父兮招予將持竿兮共逝有綸兮獨繭聯之兮琳瑯釣屈兮寸金刺文波兮有芒

桂子兮蘭蕊雜馨蟲兮餌芳側笠兮春陰披衫兮飛絮竹
 起伏兮如弓人恭敬兮若馭與鷗鷺兮忘機魚之來兮不
 去登盤兮爽脆入饌兮濃香調五味兮西戎蒜和二氣兮
 南夷薑合家人兮斯享將以遺兮所尊年復年兮作釣樂
 莫樂兮斯人

對歌謝南來王進賦謝六谷故賦謝異言賦
 有後世謝異言樂各味瑯琊謝青韻一絲一竿賦
 賦謝昔之兩儀少景亦旨命矣余寒常川門讀大賦謝
 若夫大人抱事每于之謝慮其萬哉語其八姓此詩志
 謝宋王進賦 齊氣 謝等第五子 刺曾望
 二尺於書謝

擬宋玉釣賦

二月分齋課 張極翔

宋玉既賦高唐卜宅湘渚棲神洞屬之天稅駕廣莫之野
 唐勒景差聞而造焉曰君子佩蘭紉蕙歛襟沈藏既粉糝
 其將落羌失時而鮮當何不跨巨壑理洪綱吸乎咸池以
 濯扶桑玉曰唯唯雖然余病未能也當與子見滄浪漁父
 而決之至則漁父方坐釣石而歌也於是屏息幽岑敬聆
 清音歌曰乾坤為綸兮日月為餌虹霓為竿兮風雲為翼
 餐烟飲露兮繫蛟龍若鯁鯉二子進曰吾子之歌何其夸
 也翠綸桂繳不可以得魚玉餌金鉤不可以為巧彼造化
 之所藏豈人力之所到漁父道爾而晞曰夫釣亦多術矣
 儀秦之偷舌如芒鍼弋印獲組一縱一橫此游說之釣也

髡行之傳歆醜舖糟辨雕萬物文竿是揄此滑稽之釣也
亦有孫吳爭魚者濡剖璜于渭起家陰符此戰士之釣也
若夫楊墨仁煦義子破網裂罾欲霜噴雪此蒐儒之釣也
至如高爵以糜之厚祿以甘之四海鱸鮮漑之釜鬻則霸
王之釣也然且析荆籜弄浮子搓繭絲盛入耳引盈車之
鰕於千仞之淵吾固知其慎也迺收釣筒默不復言王於
是進而稱曰壯哉釣乎請畢其辭堯舜禹湯道竿德綸禮
義爲轄其釣也神桀紂幽厲法網刑羅射魚指天嚴其罾
箸爲萬世笑其釣拙邪當我生之多故奚暇問釣國之何
如於是二子悚然揖玉而退漁父攜酒與玉同醉

積雨賦

以積雨空林煙火遲爲韻

三月分齋課
超等第一名 陳培庚

滯一院兮花陰積半庭兮蘚迹風刁刁兮連朝雲黯黯兮
易夕戶經月以長局徑三條而未辟已春恨之悽悽況客
愁之蘊積夫其曖曖冥冥响响煦煦天地溱離山川斥鹵
霆霓翕霍以發聲豐隆複陸而屯聚暈則爲風虹則爲雨
蹇乍陽而乍陰恨羲娥之無主坐虛堂之廓廈雷簷滴之
丁東礎根蒸以灑潤履沮洳於唐中太乙然而戶闔山鬼
瞰而庭空悼繩牀之沾濡卷幔又惕夫飄風觀新陰之翳
夢翳眾樹之櫛森棠梨吹而寂寂婪尾訊其沈沈燿芷蘭
之郁烈響逸響於鳴禽重霽窅窅以靄靄霏煙冑夫長林
淹千里之暝色感獨客之初心蹇倚枕而不寐懷百慮以

專專庭闈去以日遠故人阻其風煙惟峩冠與袷服時承
 醜而接筵言衲鑿而寡合情睽隔夫山川將舉裳以逕去
 限浮潦而不前堆兀兀兮文書照遲遲兮燈火衣積暈而
 涼肌冠打牀而欲墮激驕鳴於空階厯膺沸於屋左恨曉
 鐘之易聞況竹雞之夥夥已矣乎苦霧屑宰雲陰四垂新
 綠翳樹繁紅墮枝楚山鬱沓以晦暖楚水淼其無涯念春
 光之不可久駐兮恐歲月之淹遲聊染翰以表素兮天將
 為我回乎陽照

三月分齋課
 超等第八名
 石致中

積雨賦

以積雨空林煙火遲為韻

三月分齋課
 超等第八名
 石致中

於時霧暗芳郊煙迷紫陌兩部蛙青一拳鷺白雲漠漠以
 低垂雨霏霏而漸益度空翠兮千重透春痕兮一脈山色
 有無之內依稀圖繪荆門泉聲冷咽之餘彷彿寺游香積
 爾其澤溥新畚膏流沃土窈窕冥冥絲絲縷縷不即不徐
 半含半吐微瀾淺漲低翻麥浪之郊薄暈徐添暗度桃花
 之隴課農功於南畝關心同石廩占年題好句於東菑得
 意在朝川積雨其始也雲頭湧黑日腳翻紅乍寒乍燠條
 西條東羌淒淒兮有滄漸震震兮深籠柳線拖來薄潤初
 翻暮靄蕉心捲去餘霞尙帶殘紅縱教灑向林巒溼痕低
 蓋未必光分石壁夕照全空既而陰晴莫定黯黯遙深下

尺爲澤膚寸成霖溪痕漸長草色初沈披來一徑清風蕤
衣寒透聽到小樓春夜燈影涼侵生岷綠兮叢叢新筍斜
穿石逕洗殘紅兮片片落花時補雲林於是傾盆盈缶匝
地漫天山橫青而含澗水暈綠而盈田人欲晴兮天未許
日將出兮雲仍連梳苔髮以凝斑脂曾作膩濺荷衣而送
碧珠不勝穿夏木陰陰天氣新開畫本飛橋隱隱人家似
隔野煙則見樹杪泉深柴扉翠鎖苔滿徑而欲流練橫空
而將墮松風解帶以差宜山月彈琴而未果一犁初足應
赤腳以徂征千耦其耘耆蒼頭而不惰處處煮葵燒筍爲
餉春耕家家炊黍蒸藜都烹活火客有晚年好靜勝事自
知對山莊而凝眺就別墅以裁詩託倚杖臨風之興寫竹

暄運動之詞白鳥翻飛田頭小住黃鸝乍囀展齒頰移綠
樹村邊楊柳共酒旗一色青山郭外炊煙與雲意俱遲

雲連蒼茫大地淡沲長天樹拂鞭絲點鮫珠而盡溼波搖
旌影照螺黛以彌妍漠漠兮遙山遙水昏昏兮如霧如煙
更有旅館愁生閒庭靜鎖撲簾翠霏入戶紅墮煙猶潤而
草肥滴未乾而柳彈何處濃陰不斷如畫江城有人昨夜
曾聽頻挑燈火迨乎收雨腳列山眉送歸雲於遠岫滯薄
霧於疎籬迢迢碧漲處處綠滋黃鸝囀候白鷺飛時物態
如生野外之和風嫋嫋天容欲活村邊之霽日遲遲

昔童淵而對諸武婦此榮之事
課讀南林著古興理水等書於野
對雨如以詩而空林致大感賞贈
三日在齋時

劉向校書賦

以啟發章校理祕文為韻

四月分齋課
超等第二名 邱兆華

昔漢成帝雅好經書攷文崇禮其時四海又安鄴于就邸
學士蹈德而詠仁編氓力田而孝弟然而諸經雖麤定夫
名稱詞林莫深孳夫根柢傑僂乎保氏六書燐亂乎先秦
八體孔安國之所獻遭巫蠱而未行左邱明之所脩藏祕
府而莫啟繫微學之就湮恐後儒之交牴思延致夫大雅
宏達之傳闢緘滕而開肯綮爰以河平三年顧儒臣劉向
而詔曰朕惟時代邈悠文字肌闕祖龍作而漆簡亡斯篆
興而頡籀沒將欲替羣言以折衷守家法而罔越辯章學
術於既往宣明大道於未歇則必甄埴微芒雕鐫杪忽萃
三蒼為俎豆具六籍為肴核汝向綴學方聞名門世闕多

闕覽乎舊載幸躬與乎典謁尙其罄先聖之奧苞佐以諸
儒之所發臣向拜手稽首而進曰臣聞聲畫之學肇啟三
皇之年易結繩爲書契觀蹠迹而宛然象形依類孳乳相
緣百官治而萬民察形名達而幽隱宣迨後聖之有作益
伐竹而成篇陵夷及於周末嗟一炬其可憐赫皇漢之肇
興回文運乎中天秦灰拾其墜簡孔壁慘其遺編丁尾焉
烏之妄作魯魚帝虎之因沿羌破壞乎大體良有待於
詮今陛下欲嘉惠來學躅武前賢則金石刻畫之業固臣
家世之所傳也其敢憚夫蒐羅之博攷索之專厥有天祿
祕閣典籍所藏凌磴道而超西塘互長樂而彌明光鬼竅
截業起乎中央署瀛洲之清禁煥奎藻之琳琅青藜丹書

赤文綠字則三墳五典八索九邱之所睢睢而煌煌也
珊枝玉樹瑤宇瑤京則惇誨故老名儒師傅之所濟濟而翔
翔也偉經術之朗耀倬雲漢而爲章娜嬛無以擬石室不
能方登斯閣者孰不金聲而玉潤雍容而揄揚哉於是臣
向居焉開文囿以遨翔闢藝林而騰蹕擁廣座之百城列
周廬之七校經子析其疑文詩賦宣其遺教釐甲乙之部
則例必精嚴辨古今之文則詞毋枉撓旁列參臚詳鉤精
校蝟斗摹其奇形蟲書析其異兒文章之流別必清學術
之異同可較辨隻字以精覈納羣言而籠罩斑斑焉煨煨
焉洵足以發曠古之蒙爲儒林所則倣者也彼夫斷簡觚
篇卮言稗史侈私家之著述夸奇麗之鴻愒名山有絕學

之號海內擅經師之美未迴翔夫高明徒迂陋之自喜孰
與夫九閭之上五都之市百氏挾其籬藩諸家探其俶詭
凡夫巧慙所不能窺隸首所不能紀二酉所不能藏六丁
所不能視縱耳目於游娛快利病於摠倚爲足極宇宙之
大觀据古今之通理乎太乙降精鬼神遣使藜輝赫颯以
焯煌芸閣森嚴而清秘與與容容陶陶遂遂幽曜燭天閭
之遙明光察鳶魚之遼滯無隱而弗宣疵無微而不刺蓋
校之言正而疎繆者芟除亦校之言讎而背違者翦棄用
有相資則明重複互注之法類不可闕則取詳略互載之
義蓋自沮誦以來故書雅記莫不歸其別裁從其類次矣
頌曰赫赫炎漢實右文兮武宣繼軌嫩皇墳兮卓哉孝成

纘先芬兮烝我髦士廣異聞兮厥惟子政殫艱勤兮章鉅
句析絲無棼兮罔括眾典靡夕斝兮五行作傳志格君兮
七略繼成世有勳兮漢學證聖一紛紜兮緬彼先哲樂我
員兮

員分
 山洲縣志世有也合
 山洲縣志世有也合
 山洲縣志世有也合
 山洲縣志世有也合
 山洲縣志世有也合
 山洲縣志世有也合
 山洲縣志世有也合
 山洲縣志世有也合
 山洲縣志世有也合
 山洲縣志世有也合

雲夢賦

以楚有七澤嘗見其一為韻

五月分齋課 昭等第二名 陳曾望

有澤汪洋綿亘於荆鄂開者古雲夢也其中苞隰跨川控
 城抱嶼有宅有田亦湖亦渚出納風雷呼吸寒暑實天地
 之奧區以藩籬乎全楚地廣兮八九百里而遙名盛兮三
 千餘年之久注春秋者以為二區詮石經者以為一藪或
 以為七澤是其別名或以為一江挾而中走蓋稽孫氏之
 說謂直從湘水而來而據邵氏之言謂實兼洞庭而有其
 東則有峰一抱一環蘄州之眾山屹峯也其西則有水一
 縱一橫枝江之上游爭出也其北則樓閣不知幾千家京
 山城之人煙密也其南則波瀾不知幾萬頃青草湖之春
 漲溢也其穀則黍稷稻粱其產則絲麻黍蜜其木則杞梓

榭楠其果則杏桃梨栗其風俗則孝弟忠信禮義節廉其文字則詩賦歌詞論書騷七憶洪水之初平維禹功之可迹芟草莽而歸耕逐龍蛇而避宅開千秋名勝之區入歷代版圖之籍自昔土浮於水無非作乂之功至今人免其魚敢忘隨刊之澤登高而望鬱鬱蒼蒼民則有歲君則有慶羽毛蕃庶草木輝光盤桓游釣之所飛揚射獵之場山水之雄可以控蠻粵苞茅之人可以備蒸嘗昔全楚之一隅今安陸之數縣歎陵谷之不移感滄桑之幾變雞犬兮高士之村松柏兮名賢之院天下幾奇人此中多碩彥屈宋去已遙郊祁才並擅羌獨立而有懷望美人兮不見豈不聞雲夢之往事乎邠女棄子草離離矣楚王避敵水澌

澌矣漢高帝之僞遊亦足悲矣蜀相如之作賦不可追矣岳陽樓之風景異昔時矣南州郡之形勢非舊基矣撫今思古感慨係之後有來者儻念於斯更茫茫而四顧亦小者特其然而智士擇鄰仁里卜吉彭蠡不及其幽深雷夏不如其曠佚聞之則名類於虛考之則籍徵於實名山閱其精華大澤蘊其芬苾而人傑地靈所以皆爲天下之第一也

況桂椒木蘭之充積鳥鵙雞而獸羆豸兮亦何往而不飛
鳴自適命壯士以颺馳霆擊兮誇善射之楚王從獵有織
阿並陽子兮侍臣勝平原與孟嘗此詞人之賦之壞麗兮
寓言終涉於荒唐而卽是以觀水兮亦可知其沈澆而汪
洋去漢初兮又幾千年兮望古人吾不及見回憶夫昭王
之入雲中兮方膽落於吳人之戰問水濱其不知兮人民
非而滄桑變宮旣蕪臺亦無存兮徒對此萃縈之一片郢
都別而未忍兮感去國之湘纍涉江其必道此兮解瓊佩
而遺誰登高城以遠眺兮孟襄陽苦於別離對洞庭而憶
雲夢兮亦曷勝客思之淒其重日茫茫大野滿不溢兮迢
迢此水二而一兮蒸爲巨澤始何日兮江河旣下其流愈

疾兮使海而可橫吾固將刺鯨於鮫室兮

雲夢一區經傳諸書有單稱者有合稱者左定四年楚
 子涉睢濟江入於雲中此單稱雲者也宣四年邲夫人
 棄子文於夢中昭三年楚子以鄭伯田江南之夢此單
 稱夢者也周禮荊州藪澤曰雲夢爾雅十藪楚曰雲夢
 戰國策楚王遊於雲夢結駟千乘此合稱雲夢者也其
 單稱者特省文耳其實雲可賅夢夢亦可賅雲若謂夢
 在江南雲在江北分爲二澤未免過泥但其地不盡爲
 澤大勢卑下鍾水獨多而亦有高平之處故職方目之
 曰藪澤夏秋潦聚爲澤霜降水涸爲藪書所以謂雲土
 夢作又是也司馬相如子虛賦雲夢方九百里楚有七

雲夢賦

以楚有七澤嘗見其一爲讀并序

五月分齊課 超等第十名 舒福清

雲夢一區經傳諸書有單稱者有合稱者左定四年楚
 子涉睢濟江入於雲中此單稱雲者也宣四年邲夫人
 棄子文於夢中昭三年楚子以鄭伯田江南之夢此單
 稱夢者也周禮荊州藪澤曰雲夢爾雅十藪楚曰雲夢
 戰國策楚王遊於雲夢結駟千乘此合稱雲夢者也其
 單稱者特省文耳其實雲可賅夢夢亦可賅雲若謂夢
 在江南雲在江北分爲二澤未免過泥但其地不盡爲
 澤大勢卑下鍾水獨多而亦有高平之處故職方目之
 曰藪澤夏秋潦聚爲澤霜降水涸爲藪書所以謂雲土
 夢作又是也司馬相如子虛賦雲夢方九百里楚有七

澤嘗見其一未睹其餘此特其小小者蓋長卿浮夸之習臆度之詞耳必云更有大於雲夢者六楚國地方千里則兩澤且不能容何況有七蓋七澤者乃雲夢之別名如雲連徒洲之類非必更有其六也僕本楚人謹稽之圖籍歷其方隅特取其實蹟而賦之

覽曠野於荊州沂洪流於鄂渚其寮澗則豁兮有容其浩淼則沛然莫禦摠括漢淮兼包泗汝瀝滴滲淫縈澗沙嶼洵足媿洞庭岳陽之記於范仲淹雲連徒洲之論於王孫圉固橫亘乎兩湖實震爍乎三楚其東則底蘄陽燕子崖崇龍眼磯陡楊葉洲橫竹根潭瀏其西則底旌陽鶴澤波騰烏灘雷吼隨靡江陵毗連石首至如角陵以南蠡湖常

存雁橋不朽潛沱緣其隈沮漳濱其右又若巴邱以北青草披敷赤沙深厚誠兩間之奧區包萬類之富有爾其涸而爲藪也樹則杞梓梗柎檀梨棊栗草則芷若衡蘭菖蒲屈軼其上有鴛鴦孔鸞鷓鴣翠鷁其下有狡兔羸羊羆犴麋麋於是建旌旂騁駉驍揮劍鋒張鼓率中必疊雙擒先縱七雨血風毛灑地蔽日然後收禽會眾可以少佚是蓋田獵之所必爭巡狩之所不失也未幾而倏變爲大澤焉峩嶷雪融瀟湘雨積萬穴俱流百川潛益沖融沆瀣漫漫洵清激湫澱澁泱漭洑波如連山乍闔乍闢乃若翔陽騁扶桑之輪大明攬金樞之策霾曠煙銷狂飈霧釋涉人於是檣榜舟子於是泛宅介見瓊蚌而石蚌鱗躍銀刀而

玉尺詠采菱而扣舷忽宵歸而忘夕洵堪結契於煙波奚
慕作宰於彭澤於是稽漢志考職方訪故老尋遠鄉有雲
夢宮者溯敷編於荆邑按西陵於黃岡樹中天之華屋豐
冠山之朱堂列棼檠以布翼荷棟桴而高曠循櫺檻以登
望步甬道而徬徨撫殘碑於蒼蘚摹斷碣於斜陽問何人
兮結構留姓字之馨香懷夏王之明德宜千載而烝嘗且
更有雲夢城焉聞在京山安陸之二縣泛輕艇以前行登
高墉而睇眇睹女牆之傾頽感時代之遷變荆棘塞於古
廄黍禾徧於幽院狐鼠噪而晨趨魑魅嘯而昏見但見瀾
池平原迢遞荒甸而迴憶昔年李維楨善政之循聲令狐
揆長吟之名彥亦第令人嗟然而遐思已杳然而不可復

見矣迄今仍以名縣則德郡之職司也總之雲夢跨州亘
隰別派別支包含勢廣凸凹形歧其中有膏腴之壤衣食
之資龍鱗原隰北陌東菑決渠雨降荷鋪雲馳五穀垂穎
黍稷秀離下有通溝大漕沛澤汙池蟹舍鷗村前唱後隨
擬之晉桃源而非侈較之秦陸海而無差縱劫灰之不免
更換而陵谷終不爲之遷移沿稱名於禹貢彌撫夏書而
誦其爰爲之歌曰雲夢之藪百蕃秀實幽人宅之擬於衡
泌故宮兮蕭條寒城兮靜謐時登臨兮四望覺古情之橫
逸毓秀鍾靈兮人才輩出懷珠獻媚兮品類不一極漢東
之大觀兮聊染翰而濡筆

大樽令觀榮華而需華
 戲繪香鑿鑿令人木華掛
 效始宮令備刻水觀分
 歸其受魚之無日雲夢
 更與而刻谷粉不微之
 與之管琳賦而非遊之
 乘野亦晴不有賦蕭大
 之資前難風關北浦東
 淵照通照更時合楚翼
 具突或今州以谷細順

經神賦

以明識經旨能若神矣為韻

七月分齋課 李心地

炎漢之季以經學顯者厥惟北海鄭康成焉爾其網羅眾
 典冠冕羣英遠窺姚姒近覩姬嬴行以帝緒扇以皇明訓
 詞溫雅吐納深閔天人之奧既洩而絳緯之緘畢呈也故
 尊之者如泰山北斗親之者如玉振金聲翼翼赫赫矚矚
 崢崢奉靈爽而鏡太清懿彼神之為德也氣麗于虛道貞
 以默鑒空乃平景正斯直運渾樸以司衡宅杳冥而作則
 理懸燭而揲著法督繩而引墨化以無臭無聲妙以不知
 不識閱陰陽之伏愆蘊五行之生剋乾坤豁其端倪日月
 幻其盈慝然且霰飄其形曠眩其色散之若離聚之如卽
 維司農兮證聖乃致力於羣經通乎故訓契乎道心洽聞

殫見潤古雕今當作當爲定其字讀如讀若擬其首或錯綜以比例或參互而推燭或省文闕文而實求其是或長言短言而獨見其深訂墜遺於莠勝精技勘於向歆賈服聘貽於前席匡董震懼於儒林於易則第五元先授以京氏爻象既滋彖辭是擬於書則歐陽張生今文櫛比廿有八篇因經屬指於詩則箋成毛意別白朱紫旁及魯韓能喻侍婢又有曲臺絕學河間妙旨馬廬所宗先鄭繼軌更有論語孝經公羊左史七政九章三統歷紀莫不勾稽異同研覈臧否以續孔型以綿漢祀其嚴家法也若河原海委波瀾不興也其析疑義也若雲開月朗織騎俱激也其章分句斷則報德背陽常羊蹶通之維乎郊陸也其辭達

理舉則靈威標怒招拒光紀之運乎準繩也屬招搖使喻意伏鉤陳以讓能踰龐鴻於冥窈厥宇峻而不可以升是其握言樞縮道籥眾說邪萬物橐龍授河龜界洛籍籍云云渾渾噩噩湖名天運之篇說法石渠之閣鏗乎魯壁之音震乎尼山之鐸精氣降烟熅幽誠排闥闔醴粹洪鬯翹勳卓躒於是祖構之士倏然而作芳漿奠椒華衣振若仰之如神明祀事儼其有恪始入大學而受業繼遊關西而咨詢汝南摳衣以避席北海屣履而扶輪黃巾率黨而下拜將軍優杖以前陳其同輩則范陳李賈之侶其弟子則郗王崔任之倫咸霑歎頽息茹形忘神若叩天闕若撼地垠粲乎隱隱詠德蹈仁越千百載俎豆莘莘爰爲頌曰厲

是登樓觀象倚檻言情長河瀉影銀漢無聲按圖經而占
驗因方位以推衡關心奎壁垣中文昌煥彩回首車騎宮
內武庫羅兵七彩九華孰識自虹之異五山六合方知赤
堊之精因瞿然曰此劍氣也遠接雲霄沈埋塵壤在豫章
閒作豐城想看此紫霞煥影苔色無侵料茲紫電橫空土
花久長旁連閣道居然橫厲無前遙射秦階儼若扶搖而
上美捐齊金利竭楚鐵刺鐘不錚執玉能切掘獄屋以丁
男探石函於丙穴摩挲利器牡牝難分持贈故人雌雄忽
別擲諸掌上何殊太乙宵明懸此腰閒猶是長庚夜徹向
使尋求弗獲賞識或疏塵封巨闕草偃辟閭固見耶溪鍊
質安必佩服要譽儻遷地爲良勝霜華而耀目卽倚天作

勢徒練帶以凌虛玩斗宿以驗寒銑人誰解此瞻斗辰莫
分寶器我則異於而茲則成於月蝕應彼星躔取之良非
易易佩此猶切拳拳羌秋風以橫霜雪復曉日而破塵煙
祇期土拭華陰覓赤霄於下邑何意波滌裏水躍白刃於
深泉想當年踞虎探來遙識氣蒸太極迄此日化龍飛去
空嗟斗轉長天

空靈
 采景
 願
 最
 伏
 楚

斗間紫氣賦

以寶物之精上敬於天為賦

八月分齋課 超等第七名 楊介康

立乎白門以望蒼昊其間則焱焱炎炎熒熒皓皓現光怪
 兮磷璠粲精英兮麗藻策雷精以殷麟閃電火而汎掃發
 乎泰階清其乾道蒼龍赫爍以爭飛玉虎爛斑而環抱天
 市爛其繽紛保章窮其摻討傳聞上界之精知是何年之
 寶昔者張茂先遣雷煥求焉迺識為豐城之神物余其古
 井煙霾陰厓翠鬱虹采宵飛鷄膏曉拂耀素練而熒煌闕
 蒼苔而蟠屈極鑪鞬之精良紛光芒兮奇崛鳴鞘則太乙
 煥煬出匣則六丁呵噉遂使隱見無恆變于翕歛夫其為
 氣也窅冥恍惚變化離奇膠洌當邊風之夕洗洋涵秋水
 之姿三尺芒寒之日七星影亂之時照金鏡兮的燦映燐

火兮陸離相摩相盪或偶或奇斑斑駁駁郁郁疑疑仰凌
粵宛寰互天維維北有斗駕而上之若乃青穹晝靜玉宇
宵晴瑤光吐曜玉衡垂精招搖前界大角後橫魁杓回旋
以交彗璇璣聯絡以斜縈天樞下運帝車上行環域周于
天宇魁柄建于上清雄左雌右北虛南盈莫不騰符采發
光晶朔中彪外溢闕充楹十光五色虹宛電生靡有隱而
不燭靡有茲而不明以視其氣則爲紫也朱頰其文赧駁
其狀爛兮若晴霞之出絳霄翩兮若迴瀾之翻新漲粲兮
若組綬之列于庭煥兮若綺羅之敞于帳非霧非煙時收
時放測管目窺戴盆以望翕赫紛蠅昭蘇條暢胡采不騫
胡觀不壯幽爛燭於天間烈精炳於炎上每當古樹宵鳴

涼飈夕烈壁月澄瑩銀河皎潔矛盾紛張珠杓旁列石萬
物之資糧司七星之喉舌合璧聯珠纍纍不絕別有華蓋
挺芝羽林仗節天駟控輪騎官循轍鼓奮豐隆鞭麾列缺
玉繩乍抑而乍揚素威時明而時滅類皆扇珠緯之洪輝
發璇囊之寶訣駭芒角之嶙峋紛煙雲兮鬱結玉匣一鳴
金風四徹妖狐見而潛逃山鬼聞而幽咽徒觀夫木公鞮
炭風伯催輿參旂并鉞畢罕軫車縣于碧落麗于太虛一
闔一闢時斂時舒亦足以攷分野驗星墟耀南弧之瑞管
北極之居豈知百鍊在冶五金是儲龍靈騰變虎氣噲噓
光焰熠爍鱗爪紛拏干將守峴歐冶臨除白虹亘後紫電
蜚初稜生怪石膽懾夔臚摩抄在掌揮灑自如伏沙中而

隱隱來天半以於於一則太阿之賦我一則龍泉之訓余
 蓋羣以為斗閒之閃灼而不知為劍氣之紆餘噫嘻乎時
 非今而非古事何後以何前赤堇含暉而誰主青萍長價
 以何年試與曠雲路步星躔攜霜鏐仗龍淵斷事以決鍊
 性以堅養質以勁運神以圓磨礪則節著拂拭則光鮮誰
 狂歌以斫地誰搔首以問天嗟昆吾之在手長拊劍以茫
 然苟繞指而不折庶韜光以自全

斗閒紫氣賦

以寶物之精上徹於天為韻

入月分齋課
超等第九名

朱希文

噫神物之沈埋猶英雄之退老關塞侯封邊庭寇掃起舞
 光陰悲歌懷抱螭首蟠餘鵠膏拭早電飛紫虛星輝蒼昊
 磨寒光於晝夜斬蛟既得干將收王氣於山川獲雉竟同
 陳寶憶昔孫吳之割據也猿鶴荒唐烽塵吹拂國已鯨吞
 人如蠖屈剩此劍武庫難藏豐城新掘人非十萬而橫磨
 氣阻千秋而滄鬱燐火塵斑鐵花土黠煉碧血丹心之恨
 星有寒光想短衣匹馬之時身無長物夫不見其沖於斗
 閒乎貫珠爍爍隕石纍纍北辰羅列北極參差入文昌之
 列宿露巨闕之英姿動魄驚心風胡子久經淪落翫光養
 晦農丈人也共棲遲花秀紅萼莖生紫芝雖躍冶之金精

恩讎報矣而書祥於雲物興廢係之甚哉氣之紫也霓影
驚曉霞光盪晴蘚色先暗松紋不明紫微照而星朗紫臺
望而雲橫縹緲如函關牛騎仙過蒼皇如榆塞龍鬪兵爭
黃土埋窳沈此湛盧劍魄青藜照夜燭同太乙星精倘使
金鐵銷磨風塵悽愴用負平生鑄無良匠未藏寶匣之珍
同屬鉛刀之樣何羨乎龍藻之文何取乎虎邱之葬戎馬
驚秋風雲殊狀縱使青萍慷慨彈鋏客中安能紫禁飛騰
挽戈天上爾乃黑鏽征塵赤凝恨血月光暈霜花影團雪
貫白虹於三尺露冷霜寒守紫府於六丁雷轟電掣羃地
烟沈補天石裂旣逢薛燭七星射魁斗之雲低未斬樓蘭
萬丈吐芙蓉之光徹龍蛇泥困蜉蝣苔書冷光拂拭舊事

躊躇葬是何年冲司命星辰之候憐餘知已想洪爐鼓鑄
之初秋水重洗蓮花乍舒錦囊佩早縛帶鋪餘不教獄底
封塵壯士感同骭髀曾記墳前挂樹故人情重相於迨後
人摧鸞羽水躍龍泉虎魄宵吼驪珠晝眠弔延平則雲濤
雪浪訪彭蠡則滄海桑田紫苔恨長紫杜愁牽欲從鯨鱈
平波動青鋒之雷雨莫使欃槍分野接紫塞之烽烟不可
挹酒漿讀楚詞低徊故國問誰託肝膽倚吳鉤黯澹長天

出西華萬里關
 平地無青嶺
 雲影隨流澗
 人語隔林水
 清涼土氣同
 之何州水重
 清涼土氣同
 之何州水重

斗間紫氣賦

以寶物之精上徹於天為賦

八月分齋課特等第二名

張序賓

遙望長天劍光一道閃閃星燐熊電掃瞻西揭之斗高
 識東來之氣老上衝斗牛之墟下有龍淵之寶此紫氣也
 殆如玉韞於山鏡輝於藻手在晉太康茂先博物仰測穹
 蒼上探奇崛見夫天空雲清夜靜風拂氣氤氳煜煜鬱
 鬱其異氣之冲霄直達者豈白練之斜拖而青鋒之欲刺
 茂先乃就雷煥而問之曰長庚之宿太乙之司有紫氣焉
 貫澈天墀寒光虹繞異彩雲馳乍明乍滅若合若離異金
 陵之浮玉氣同函谷之望奇姿吾子學通象緯盍為我言
 之對曰此神物之氣而寶劍之精也觀其雄雄振彩燦燦
 流英殺氣森映光輝晶瑩鬼目陽燄風伯震驚薛燭眩視

歐冶失明委照既歸於有晉藏鋒遠在於豐城其爲狀也
熠燿千尋曹騰萬丈自亡吳之初平遂委棄於泉壤奮激
雷霆沉埋草莽振天衢之光芒怒江左之搖蕩鬱精氣兮
不磨乃干霄而直上於是掘獄探奇開函破穴寶搜埋石
之銅地有沉沙之鐵果也太阿騰躍龍泉發洩斑未瘞苔
腥猶沾血斫斷蛟鼉奔回霜雪百鍊煥其光寒七星昭其
瑩徹無如精光方幸其不滅靈物終難已久居洪流得所
秋水相於始照耀於薇垣之署終變化於延平之菹昔之
光搖天漢氣貫帝車者何不爲蛇之斬道而爲龍之飛虛
嗚呼盈虧悟理治忽驗天若吳亡而氣猶見其應晉之南
遷識者已指銅駝於荆棘悲河洛之腥羶矣乃不能徙南

風於長門流賈謚於羽淵則九鼎難保東周之覆豈二劍
能救西晉之顛彼煥輩不足責予將酌酒以弔吾茂先也

非對西晉之賦也賦章不及實字體雖辭及何若其賦
 風代吳門亦實益於賦限大賦辭於東國之賦也上

斗間紫氣賦

以寶物之精上徹於天為韻

八月分齋課
特等第三名

余培麟

有劍一雙翔華振藻龍泉太阿以為名干將莫邪之所造
 安排短匣何殊星宿包羅埋沒多年不向風塵潦倒氣象
 煥崢嶸之色瑞靄人文斗牛聚金鐵之光祥徵天寶則見
 明月盈盈清風拂拂霞綺朱分雲裳紅熨聽到更深漏永
 萬籟蕭條看來璧合珠聯眾星蟠屈源探霄漢誤槎客以
 徘徊彩綉天衢擬函關而髣髴此紫氣之見於斗間也而
 猶未測為何物於是茂先進孔章而問曰僕以疇昔之夜
 拋卷停危挑鐙不寐啓戶相窺北望京華依斗墟而縉絳
 東來紫氣入斗宿以參差豈無象緯圖書未之學也自有
 吉祥消息子盍言之煥迺辟席而對曰是為寶劍當在豐

城奪廬山之秀滙章水之清豁胸襟者氣之爽逼眉宇者氣之英鍊風霜而氣固歷歲月而氣成氣自能伸直上愛漫漫長夜氣尤不散當中貫耿耿元精其爲紫氣也非同紫陌塵輕非比紫山煙朗非關紫閣流暉非藉紫宮分爽紫雖間色屬之氣而壯采欲飛氣本豪華著以紫而寒芒益莽豈是梁間紫燕翻向霄摩卻如天際紫鸞身隨雲上而紫氣之見於斗間者斗在北方六星羅列抑或指南夏秋時節北之水氣黑而深南之火氣赤而烈水火相薄而氣凝赤黑相和而紫泄鬱積既久流露自有餘輝呼吸可通發越故能高徹迨至榮膺組綬職掌簿書身纔入室手便攜鋤掘泥塗兮亟亟啓玉笈以徐徐秋水兩條試收拾

而寶光四溢西山片土經拂拭而塵垢咸除不圖天地之靈鍾奇若此聊當瓊瑰之贈結契相於吁嗟乎眞才不沒凡物皆然矧伊下士配彼高賢拖紫紆青斗室之縈思不屑讀書養氣斗山之仰望無邊又况奎宿流精蘇東坡文如滄海長庚下謫李太白詩是神仙安見筆華墨寶其氣燄不上徹於天也哉

度高高在上綿亘於九萬一千餘里之程靜亦能凝恍甘露卿雲而奏瑞動而有耀竟珠輝玉照以偕明是屬何祥靈昭泱泱次舍環通煙熅外朗豈月殿之結構方新豈碧府之洞開有象豈治符文運燦爛三光豈瑞應鴻儒炳麟十丈胡爲雜璀璨而垂章搏扶搖而直上蒼蒼其色騰奎壁之光華作作生芒耀中宵之職掌煥曰公雖未知我則能別無妙蘊之不宜有何疑之難徹坐書城而探索眉不煩攢據講席以前陳源能立說此天上之星輪丕煥爭看神勇飛揚乃地中之霜鏐寒封恐久風塵埋滅是故神工鼓鑄精爽紛如不欲潛踪兮草莽因訴磊落兮太虛輝三尺之斑斕似疏似密閃七星之的爍不疾不徐遠遙皇乎

九霄明月近斜映乎一徑林於元蘊氤氳此日騰爲虎氣神功呵護他年化作龍噓迄今考其遺事核彼陳編緬豐城而不勝遙想過延平而獨致纏緜思裂冶之雙飛明還夜夜慨光芒之萬丈精耀年年此所以論佳話而情欣白日談快事而氣壯青天

斗間紫氣賦
以寶物之精上徹於天為韻
特等第十五名
彭承鏞
吐奇彩於寒宵耀精光於穹昊有物瑩然鋒鏖天造其象
則掩靄雲奔其焰則縱橫電掃氣郁郁兮氤氳神熊熊兮
泃浩杳冥無際飛煜衝牛斗之垣歆飲有靈沈熒蘊龍淵
之寶劍重吳王得來拭拂歐冶成之闔廬密勿赫然鍾天
地精英矚爾佩君王華黻藏焉非紫貝之臨用也異青萍
之刺千載之淬鋒耀日誰識獨表至珍三軍之猛將如雲
奚能匹茲奇物方吳王之理于將莫耶也抄英鋒之夏夏
排厲氣以纍纍精靈奄歟光怪陸離形渾虎踞勢肖龍彫
無睛而瞬胸裂背非吻而噓翕忽齟齬借風雲而蹕躒挾雷
電而驅馳凌天際之蒼煙何其冷然善也涵日中之青暈

斗間紫氣賦

以寶物之精上徹於天為韻

特等第十五名彭承鏞

吐奇彩於寒宵耀精光於穹昊有物瑩然鋒鏖天造其象
則掩靄雲奔其焰則縱橫電掃氣郁郁兮氤氳神熊熊兮
泃浩杳冥無際飛煜衝牛斗之垣歆飲有靈沈熒蘊龍淵
之寶劍重吳王得來拭拂歐冶成之闔廬密勿赫然鍾天
地精英矚爾佩君王華黻藏焉非紫貝之臨用也異青萍
之刺千載之淬鋒耀日誰識獨表至珍三軍之猛將如雲
奚能匹茲奇物方吳王之理于將莫耶也抄英鋒之夏夏
排厲氣以纍纍精靈奄歟光怪陸離形渾虎踞勢肖龍彫
無睛而瞬胸裂背非吻而噓翕忽齟齬借風雲而蹕躒挾雷
電而驅馳凌天際之蒼煙何其冷然善也涵日中之青暈

經心書附錄
卷四
吳
豈待搏而躍之當漫漫之烏夜聽颯颯之鼉更視彼陽文
陰縵非同金穎鐵英雌雄紛泊牝牡噤呼炎炎焱焱鬱鬱
晶晶氣淋漓而開闔闔氣磅礴而掃欃槍秋水沈沈彪炳
接長庚之燄春星霍霍敲蒸參太乙之精紫露溥溥紫雲
泱泱驚紫電之長蛇漾紫霓之舂蠶轟紫閣兮輪囷壯紫
房兮軒敞遙連華蓋紫極網緼旁燭泰階紫氛濯沆忽訝
宣精溢目穆冽鳴玉匣以高蟠不料侔色衛身熒煌向帝
車而直上金陵之王氣特鍾寶劍之神靈不滅上騰箕斗
之間下臨荆揚之穴金精爍鶉尾之墟土蝕恢鴻溝之烈
虹閃霜飛煙銷雲裂尹喜眴瞍風胡睽矚疑似赤烏應瑞
透魁杓而輝縈莫非皎兔屯空貫漢津而寒徹斗何麗矣

劍乃斑如瀕濛井絡晦暉罔車驗齋淪之象緯毓晃朗於
太虛仍雄芒以繚繞羨龍藻之翹舒璀璨臨北樞燭燭玲
瓏對西揭胥胥紫霄騰赤壁之靈射星辰而何怪紫炬躍
紅鑪之色藏雷煥而相於客有曾羅辰宿志挾雲煙低徊
今古憑眺山川星猶如故劍已渺焉感輓轡之紫烝睇斐
臺之紫璇炯晃冲乎寶庫鏗芒灼乎星纏容與白榆之際
逡巡碧落之邊他年武衛耀兵酣凝凝而斫地此日文昌
絢彩長耿耿而倚天

餘深憂烟烟而尚天
 致欲轉蒼文戲謝平瓦
 臺文裝戴剛長中平寶
 今古懸淵山川星散
 太監對華甘以熱對美
 險以與成則對其對其

宋玉悲秋賦

以風流儒雅亦吾師為韻

九月分齋設石

超

客有棲遲鄂渚落宕楚中
 弔遊蹤於浮梗感書劍於飄蓬
 羈愁不樂抑鬱傷衷迺登黃鶴之遺趾西望楚塞眺渚宮
 但見山川蕭瑟煙霧冥濛
 於漢東水收寒涼樹改青葱
 愴懷兮薄寒中人肌膚失豐
 是何其偏增騷人之傷感而無復大王之雄風
 漁父告曰此秋之為氣昔者宋玉之所悲也
 吁嗟乎楚王失任椒蘭是收蒼蒹為薰荃蕙為蕝
 騏驥弗馭駑駘在騶鳳凰高騫鷄鶩為傳使其才臣
 憔悴江頭時當零露天地皆愁白露
 下降寒氣颼颼艸木離披痛此梧楸日夕昭昭夜怨悠悠
 轉令弟子閔惜增憂又能無悵榮華之凋謝而感歲序之

遷流悲矣哉蕙萼不再敷蘭質已難扶芰荷怨於中澤芙蓉萎於荒塗畱夷與揚車並謝杜蘅與芳芷齊枯既百晦之摧折寔九畹之荒蕪哀湘江之日涸兮歎澧浦之就汙覽萬物之瘵傷銷鑠其猶若茲兮又何況乎人生曠息與須臾攬木蘭而舉秋菊兮冀保晚節於桑榆恍慨結轆而涕潺湲兮又誰念楚國之大儒竊歎感皇天分四時之不平與萬物以寬假彼朱夏與青陽或紅媽而紫蛇何少皞之司權委眾芳於原野風有響而皆悲露無聲而如瀉淙陽猶惜夫江蘼芳洲空採夫杜若攬茹蕙兮霑余襟望崦嵫兮悲余馬就重筇兮詞亦空隄求處妃兮心猶難寫固宜畔牢愁而成騷誰是感和平而奏雅夫秋之爲聲也夏

鍊而鳴金楚之有詞也驚心而動魄矧絕世之逸才作傷時之愁客賦高唐而抽思對楚王而明迹嗤好色則聽者意移爲大言則聞者舌咋辨析蜚廉而諷託微微夢來神女而情含脈脈終未足以寫岳陽萬千之氣象吐雲夢八九之曾曠兼之魂招三閭而不來辨續九歌而莫釋值時景之蕭條益感平生之窮危意僚慄而愈傷情沈寥而益迫用是讀懷沙而觀其玩其擬離騷而步亦趨亦其志哀故其聲多咽其氣颯故其辭不紆其痛切師門也如泣如訴其眷懷君國也長歎長吁其悽惻而增欷也如急管繁絃之並奏其愴怛而曠愼也如哀猿病鶴之相呼驚山中之鶉鳩舞澤國之鼃鼃燕何翩翩而長往雁何噶噶而遊

娛鷓鴣何明晰而于木蟋蟀何遷趾而在途夜何長而不
 旦星何滴滴而如珠欲斷憂兮憂終如結專思君兮君不
 知吾胡為乎楚宮寂寞江國迷離轉瞬樓臺不見千年雲
 雨猶疑遊客弔白蘋之渚舟人指宿莽之湄何雄圖之消
 歇惟文藻之畱遺異代同蕭條之感楚人多悲壯之辭豈
 惟長沙愴懷而作賦豈惟杜老憑弔而吟詩秋不改兮萬
 古悲不異兮昔時地猶是兮九疑繽紛而沅湘曲抱景依
 然兮洞庭始波而木葉辭枝又豈無人兮引商刻羽以追
 和亦其所遇兮去鄉離家以懷思悵望兮百代風流之祖
 景行兮千秋詞賦之師思惟楚王而與政也豈可慎讓者
 楚而即金鼓之齊而世變小而慎也豈可慎讓者

宋玉悲秋賦

以風流儒雅亦吾師為韻

九月分齋課 陳曾望 超等第七名

靈均一去此恨無窮飛白雲兮幾片落一葉兮梧桐秋花
 才子筆秋色故王宮望伊人而不見託遺想於悲風惟見
 漫漫漠漠奇奇幽幽莓蕪深院楊柳高樓慨古今之代謝
 念身世之浮漚人非木石心豈巢由而況宋玉之纏綿悱
 惻俯仰夷猶者非景物尋常之感而性情忠愛之流也昔
 之周旋禁近陪從直廬春臺靄靄夏屋渠渠挹香草之芳
 澤奪美人之繡襦醉薰風於上苑迎旭日於天衢朝有愛
 國之士野有通德之儒而今則故國斜陽流風斯下初服
 誰憐舊交益寡君之去也不歸心之憂矣奚寫水僊寂寞
 之鄉山鬼淒涼之社國已無人誰與知者滿目河山抗懷

騷雅慨夫漢水方城霸圖舊迹曾幾何時忽焉今夕五帝
如春兮春已非三王如夏兮夏再易豈但歎富貴如雲浮
感光陰於駒隙九歌酸楚難招瘦骨之瑩百感蒼茫何處
懷沙之魄徒見日落湘潭烟封夢澤衰草戰場荒苔故宅
竟天命之何如豈人爲而抑亦惟宋玉以芬芳之質生憂
患之區心靈之香較溫於蘭雪神明之媚豈睽於康娛而
斯時也木葉自脫庭階半蕪蟲悞欄而影熱雁驚寒而陣
孤無言之花色淡欲曉之燈燼枯對此風景憶彼江湖堂
堂歲月落落丈夫鬚眉老矣當思故吾秋之來兮來何時
秋黯黯兮長別離秋之去兮去何遲秋耿耿兮長相思秋
去秋來兮秋不知我之悲兮悲如斯天遠邠須問魂招儻

不疑可憐一掬離騷淚詞賦鄉關百世師

四顧寥廓百感與俱歎坎壈之靡常憐世故於一儒訝鬢
華其將白胡四運奄忽於斯須況乃湘沅之濱雲夢之野
澤畔行吟憂懷自寫溯秋水兮涓涓涕潺湲而如灑玩游
儵兮澌澌結閒情於鷗社抒離憂之繾綣兼國風與小雅
增替亂於中藏曷知音之獨寡蓋臨川而感流歎如斯於
逝者至於素女揚輝銅盤澄碧天高氣清寒月盪夕萬策
蕭索而已衰簾櫳暉暉而訝窄忽見遠浦雁橫遙天雲集
悵秋日兮淒淒鬱秋思兮脈脈又想見其裂膽摧心於焉
不憚悲一葉之先鳴悼九重之永隔傷世俗兮侏攘豈呢
訾而吾亦若夫菱風蕭颯豆雨霑濡音鏗錚以悲壯撫曾
臆而嘻吁莫不聲寒木葉漏冷銅壺何窮困之獨此時實

遭際之多虞又豈堪夫秋霖淫溢振落摧枯形銷鑠以內
疚增悼傷夫故吾蓋自經屈原之永訣望汨羅以徂悲歎
美人兮不見寒淹畱兮何之慨天時之有循環焉窮蹙獨
邁於吾師於是秋有盡兮悲無極步江潭兮亦何爲聊逍
遙以卒歲忽忽覩歲華之離披直使梧楸寫怨蛩雁含悲
千秋萬歲有感如斯

手好萬數百萬賦賦
 賦以卒與
 賦其有
 美人
 賦世
 賦利

有物混成賦

以有物混成先天地生為韻

十月分齋課 超等第七名 陳一略

何物沌沌兮厥號天下之母是雄是雌亦牝亦牡五色不
 足盲其目五味不足爽其口三寶重其橐籥萬物為之芻
 狗恢恢其原生生者厚蕩其汎兮可以左右沖其淵兮可
 以長久迎之不見其首隨之不見其後信乎執古之無而
 以御今之有動而愈出虛而不屈易知易能有行有不敦
 兮其若樸曠兮其若谷忽兮恍其中有象恍兮忽其中有
 物高以下為基貴以賤為本眾昭昭我昏昏眾察察我悶
 悶惛惛乎容乃公公乃王王乃天縣縣乎大曰逝逝曰遠
 遠曰返解之不可無繩約開之不可無關鍵或損之而益
 或益之而損強為之名曰大不可致詰故混知不知名不

名有身無身寵辱不驚孰長短之相形孰高下之相傾靜
之而徐清動之而徐生保此不欲盈夫惟不盈故能弊不
新成其不脫其善抱其不拔其善建金玉滿乃不守甲兵
具而不戰不可得而親不可得而疎不可得而貴不可得
而賤惡乎彰不自是惡乎明不自見天下樂推而不厭而
猶曰不敢爲天下先厭妙之門元之又元是教之爲帝
之先保持天下之至柔馳騁天下之至堅猶兮其貴言功
成事遂百姓皆謂我自然孰知夫一生二二生三孰知夫
人法地地法天絕聖棄智絕巧棄利爲無爲事無事無傷
吾手無攘吾臂無失德而仁無失仁而義聽之不足聞用
之不可旣其深其根其固其蒂亘乎古今包乎天地寂兮

寥兮窈兮冥兮其功不伐德不矜兮挫其銳解其紛和其
光同其塵抱一式而不遷利萬物而不爭後其身而身先
外其身而身存吾不知其名字之曰道是謂天地根萬物
恃之以生

[Faint bleed-through text from the reverse side of the page]

惟楚有材賦

以江漢矯靈載其英為韻

十一月分齋課
超等第四名楊介康

登乎大別以眺南邦
繇延七澤襟帶九江
鬱杕榦與礪砥
糝蘩蕪及蘭芷
方物輻輳眾咻紛
哢荆山兀兀澆水
淙淙地執屹其魁壘
雄風森其駿厯則
有方聞碩學寡二
少雙權奇者摩壘
倣詭者建幢細響
則洪鍾以震龍文
則健筆能扛殊荒
為之瞻懾下國為
之氣降滯夫陸終
內襄重黎外贊火
正紀其官司羲叔
權其步算異離之
次孔昭翼軫之芒
有爛泊乎翠鳩遐
巡蒼梧邊竄非種
有盤瓠之生逆命
起三苗之叛斷髮
文身之豪交趾雕
題之悍南荒于呂
開炎徼于目判瀟
湘溢其津梁洞庭
資其衛扞厥後荆
楚則殷武特詳衡
易則夏書為斷逮
鸞熊之佗師迺風
始于

江漢迄于周家分藩辛氏拓境熊繹起于丹陽考烈遷于
鄢郢弧矢巨肩山林籃篲昌開榛梗遂使姬祚傾頽楚氛
馳騁控馭申舒盧牟汝穎鶉尾燿于南躔燭龍章于炎景
扼三楚之咽吭跨諸姬之管領奇孩聞而蔚興英跼起而
彪炳是呂聲子有楚材之言子木有孰賢之請也其君則
若敖蚡冒世著儀型文作僕區之法莊垂申儆之銘修厥
典禮明其政刑威令伸於廣駕信義揚于王庭會鄧伐隨
見於傳入陳圍宋載于經英君哲辟罔可殫形莫不流暉
荒服振曜南溟建沱潛之標幟樹漢沔之藩屏荆霸王之
洪業徼昊天之上靈其臣則射父能作訓辭倚相能習煇
諦孫叔則擇典以施子文則毀家以濟王孫著寶善之箴

薦賈通治兵之制類皆嗣響千齡垂聲億世蹠踔挺生繼
奇竝繼備柱國之藩籬資方城之障蔽絕域叩其輝光近
郊師其伎藝徒觀其衛蕙成圍孔鸞結隊城功玫瑰琳珉
瑋瑁荆韞璞以堪珍淮貢珠而斯愛宙合睨皇江山藻績
亦足富樛杙之摻羅耀方輿之紀載駭材士之要凡括楚
中之梗概豈知碩彥瓌琦英髦恍慨先型是規舊德其戴
烈于昔時光于曩代凡霍山之所扶輿漢水之所滌漑靡
弗擷乃菁英傾茲沆瀣方金錫以作型擬圭璋兮爲佩惟
楚也奄有千乘惟材也鬱于九疑和光藹若淑質翮其偉
名邦之俊邁炙上國之光儀邱索典墳摻其籍陽春白雪
貢其詞壯嶽雨衡雲之采表湘蘭沅芷之姿竹箭不足爲

其美極相不足為其奇謝雲夢之赤玉陋荊州之大龜奚
 必建干將之雄戟曳明月之珠旗吁嗟乎沮漳毓秀衡霍
 降精楚何材而不楸材何楚而不生胡為山川猶是人物
 迭更武夫看乎良玉郢笛雜於英莖試與窮九派汎八瀛
 振南風之勁響奏土音之先聲高雲連徒洲之價卻巴人
 下里之名於菟斯法艾獵是程張吾旗幟廓尔蠻荆誰其
 為此南國之英

校南風之勁響奏土音之先聲高雲連徒洲之價卻巴人下里之名於菟斯法艾獵是程張吾旗幟廓尔蠻荆誰其為此南國之英

